

I.-

✓ " Τ'άρνόπο μ'έβοτάνιζεν "

✓ Τ'άρνόπο μ'έβοτάνιζεν κι'έγώ έπενερίνα,
τά κόνικινα τά μάγλα θε,έκλεισκουμ'νά κι'έφίλνα.
✓ Απές'σό χωράφ'έστειες κι'έθέριζες χορτάρια,
τῇ καγανί σ'τό χτύπεμαν,μαεύ'τά παλληκάρια.
✓ Λελεύω σε,λελεύω σε,κι'άμον Κόμερας μῆλον,
τό ἡμεριό σ'έναν καπέκ',γιατί νά καίης σε ό ἦλεν.

2.-

✓ " Πάντα λές με δέβα κι'έλα "

✓ Τῇ νύχταν ὄντες τραγωδῶ,πουλόπο μ'πῶς κοιμᾶσαι,
κί λές γεργάνι μ'άλλερον από πάν'ιμ'νά χᾶσαι.
✓ Τῇ νύχταν ὄντες τραγωδῶ,ἀφιά σό παραθύρι σ',
πουλόπο μ'γιάμ ακούγνε με ἡ μάνα σ'καί ό κύρη σ'.
✓ Νυχτοῦ-ἡμέραν λάσκουμαι ἀφιά σά παραθύρια σ',
τῇ φωλέα μ'θά χτίζ'άτο ἀνάμεσα σ'όφρύδια σ'.
Ρεφραίν... Πάντα λές με δέβα κι'έλα,ναί,τσουνίτσας θεγατέρα,
μέ τ'άτό χαρεντερίεις με κα'έναν φίλεμαν κί όίς με.

3.-

✓ " Ἐλενίτσα "

✓ Πού καλατσεύ'σε κί νυστάζ',π'έλέπ'ς σε κί κοιμᾶται,
καί μέ τ'έσέν πού πορπατεῖ σῆν χαμονήν πάει χᾶται.
✓ Ἀρνί μ'τ'όμματοτέρημα σ',όσον ντό πάει καί παίρ'με,
καί τό γλυκήν ἡ καλατσή σ'σ'έναν πελιάν θά φέρ'με.
✓ Κόρ'μή κλαινίεις τήν κεμεντσέ μ',μή καίης καί τήν καρδιά μ',
έλα μ'ἀργεύ'ς καί λές τό ναί,κι'έσπρυναν τά μαλλία μ'.
Ρεφραίν... Ἐλενίτσα-Ἐλενίτσα,καί μέ τ'έμέν έλα πούλι μ',
καί ν'άτό τ'έσόν ἡ καλατσή,θά σύρ'καί παίρ'τ'άχούλιμ

4.-

" Ἐλα ἀπάν'σό σύριμα μ' "

✓ Ἐλα ἀπάν'σό σύριμα μ',έλ'ἀπάν'σό λαλόπο μ',
έλα τέρεν τά αίματα,πῶς τρέχν'ας σό καρδόπο μ'.
✓ Ποῖα δέντρα κρατοῦν βρεχῆν,ποῖα ραχόπα χιόνια,
ποῖον καρδιάν έν ντό κρατεῖ,σή σεβτάν τρία χρόνια.
Πουλόπο μ'καλατσεύω σε,κι'έσύ κί καλατσεύ'ς με,
έξώ έφαγα τό κάρδοπο μ'κι'έσύ τίδέν κί λές με.

5.-

✓ " Σό καφούλ'όπίσ'κεινά "

✓ Καί σ'όρμίν πέραν κεινά,τρέχ'όλίγον νερόπον,
έπαρ'με,κόρ',έπαρ'με,είμαι καλόν παιδόπον.
✓ Τῇ πόρτας ισ'τά ξύλα,έτερα εἶν',έτερα,
τόν θεό σ'άν ἀγαπᾶς,κόρ'έλα σ'έμέτερα.
✓ Ναί,μουτσῇ λεμόν'-λεμόν',τό πότ'σ'άμον τ'έμόν,
παρακαλῶ τόν θεόν,πάντα νά εἶσαι τ'έμόν.
Ρεφραίν... Ιον... Ἀδανά,ἀκεινά,σ'άχερών',σό θεμών'καί σ'αλάν',
σό καφούλ'όπίσ'κεινά,τῇ Δεσπότ',τῇ Δεσπότ',
τῇ Δεσπότ'τήν ἀνεφιάν νά λελεύ'άτεν έγώ.
Ρεφραίν 2ον .. Ἀδανά,ἀκεινά,σό χωράφ',σό λιβάδ',σό κονάκ',
σό καφούλ'όπίσ'κεινά,τῇ Δεσπότ',τῇ Δεσπότ',
τῇ Δεσπότ'τήν ἀνεφιάν νά φιλῶ άτεν έγώ.